



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-115/15
Datum: 2.7.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke unutrašnjih i vanjskih stikera objavljenom na web portalu Agencije za javne nabavke BiH, broj obavještenja: 1110-1-1-4-3-5/15 od 01.04.2015. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima putem pošte u roku od 3 (tri) dana, a najkasnije u roku od 7 (sedam) dana od dana donošenja.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-115/15 od 14.04.2015. godine, konstatovala je da je rok za dostavu ponuda 27.05.2015. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla dvije ponude i to ponuđača: Borton d.o.o. Banja Luka i Konzorcijum Cetis d.d. Celje, Slovenija i Meridian a.d. Banja Luka. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što nijedna od primljenih ponuda nije prihvatljiva, odnosno obe dostavljene ponude su ocijenjene kao nekvalifikovane nakon izvršene provjere kvalifikacije ponuđača prema uslovima učešća u tenderskoj dokumentaciji.



Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Ponuda ponuđača Borton d.o.o. Banja Luka, nije kvalifikovana i prihvatljiva iz razloga jer navedeni ponuđač nije dostavio slijedeće dokaze tražene tenderskom dokumentacijom:

- Garancija za ozbiljnost ponude
- Izjava ovjerena kod nadležnog organa za član 45. Zakona
- Original ili ovjerena kopija dokumenta za član 46. Zakona
- Izjava ovjerena kod nadležnog organa za član 47. Zakona,
- Izjava o ukupnom prometu ponuđača od 300.000.-KM, kao i dokaz o uredno izvršenom jednom ugovoru u segmentu poslovanja koji je predmet ove nabavke od minimalno 200.000 KM
- Potvrda banke da račun ponuđača nije bio blokiran u posljednjih šest mjeseci
- Spisak izvršenih ugovora o isporuci robe koja je predmet nabavke u posljednje 3 (tri) godine
- Potvrde o uredno izvršenim ugovorima
- Dokumenti koji se odnose na osiguranje i upravljanje kvalitetom (ISO 9001, ili ekvivalentni standard)
- Izjava ponuđača ovjerena kod nadležnog organa za član 52. Zakona o javnim nabavkama
- Nacrt ugovora - popunjen i parafiran.

Na osnovu navedenog utvrđeno je da ponuđač Borton d.o.o. Banja Luka, nije dostavio tražene dokaze o ispunjavanju uslova iz člana 45. do 51. Zakona o javnim nabavkama.

Ponuda da Konzorcijum CETIS d.d. Celje, Slovenija i MERIDIAN a.d. Banja Luka, nije kvalifikovana i prihvatljiva iz razloga jer navedeni ponuđač nije dostavio slijedeće dokaze tražene tenderskom dokumentacijom:

- Izjava o prometu u segmentu poslovanja koji je predmet ove nabavke iz koje je moguće utvrditi ukupan promet od minimalno 300.000 KM. U ponudi je dostavljena tražena izjava samo za jednog člana grupe ponuđača, dok je drugi član dostavio izjavu da ima ukupan promet manji od 300.000 KM, a također nema uopšte prometa u segmentu poslovanja koji je predmet nabavke, iako su dokumenti navedeni pod tačkom 6.4.1 morali da se dostave za svakog člana grupe ponuđača.

Osim toga, u u ponudi je dostavljen Nacrt ugovora u kojem je u članu 3. iskazana jedinična cijena u KM sa PDV-om na četiri decimale, što je u suprotnosti sa odredbom iz Aneksa 4. – Obrazac za cijenu ponude kojom je propisano da se cijene iskazuju u KM, sa dvije decimale.

Na osnovu navedenog utvrđeno je da Konzorcijum CETIS d.d. Celje, Slovenija i MERIDIAN a.d. Banja Luka, nije dostavio tražene dokaze o ispunjavanju uslova ekonomske i finansijske sposobnosti, iz članova 47 Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema odluke o izboru najpovoljnijeg ponuđača. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

mr Sinisa Macan

Signed by: SMACAN / digitalno potpisano / digitally signed